

non illa, in hac. Optima enim est hæc sequela: seruanda erat in Iuda, Ecclesia Dei, vsque dum veniret Siloh: Ergo & tribus ipsa, necessariò erat seruanda. Non autem contrà necessaria inferetur consecutio. Poterat enim non recedere tribus à Iuda, & tamen ab ea recedere spirituale sceptrum.

Quatuor itaque præuidit, prædixitque Patriarcha Iacob: *Unum* est, Venturum fuisse Messiam ex tribu Iehudah, & in Ecclesia Dei nasciturum. Vtramque enim erat necessarium. Eam ob causam alterum quoque præuidit prædixitque, nempe antequam veniret Messias, licet reliquæ tribus defecturæ erant ab Ecclesia & à vera religione; à Iuda tamen nunquam vsq; ad Christum, spirituale sceptrum recessurum: sed in Iuda Ecclesiam Dei, quæ est eius regnum, ac proinde etiam tribum ipsam, ad illud vsque tempus conseruandam fuisse, nempe propter Messiam, quem sicut ex tribu Iehudah, sic in Ecclesia nasci oportebat. *Tertium* sequitur ex altero, nempe scribas quoque, hoc est, fidos doctores, nunquam in ea Ecclesia, donec veniret Messias, futuros. *Postremum*, post aduentum Messiae, concisuram quidem ac defecturam fuisse Ecclesiam, etiam in Iuda, translato inde spirituali scepro; sed loco Iudæorum, Gentes ad Christum copiosissimè accessuras, sese Christi scepro subiecturas, eum pro suo rege agnaturas, eique obtemperaturas: atque ita regnum Christi inter Gentes conseruandum fuisse: *Et ei (inquit) aggregatio fiet populorum, obedientiaque præstabitur.* Vtrumque enim significat **מלכות**, & vtramque

2.

Capit. Vlti-
cinni Patriar-
cha Iacobi,
de Iehudah.
Gen. 49.

3.

4.